

CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E A UNIVERSIDADE DE VIGO, COMO ENTIDADE COLABORADORA, PARA A PROMOCIÓN DA MOBILIDADE DO SEU ESTUDANTADO CON APOIO DE AXUDAS COMPLEMENTARIAS AOS PROGRAMAS DE INTERCAMBIO INTERNACIONAIS, DOS CAMPUS DE PONTEVEDRA E VIGO, PARTICIPANTES NO PROGRAMA ERASMUS+ESTUDOS E PROGRAMAS DE INTERCAMBIO CON PAÍSES EXTRACOMUNITARIOS (PRAZAS PROPIAS, ISEP E GE4).



**CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E A UNIVERSIDADE DE VIGO, COMO ENTIDADE COLABORADORA, PARA A PROMOCIÓN DA MOBILIDADE DO SEU ESTUDANTADO CON APOIO DE AXUDAS COMPLEMENTARIAS AOS PROGRAMAS DE INTERCAMBIO INTERNACIONAIS, DOS CAMPUS DE PONTEVEDRA E VIGO, PARTICIPANTES NO PROGRAMA ERASMUS+ESTUDOS E PROGRAMAS DE INTERCAMBIO CON PAÍSES EXTRACOMUNITARIOS (PRAZAS PROPIAS, ISEP E GE4).**

## **REUNIDOS**

Dunha parte, **D<sup>a</sup>. María del Carmen Silva Rego**, quen actúa no nome e representación da Excm<sup>a</sup>. **Deputación Provincial de Pontevedra**, en virtude do seu cargo como Presidenta do devandito organismo e en función das atribucións que lle confire o artigo 34 da Lei 7/1985, do 2 de abril, reguladora das bases do réxime local, e o artigo 105 da Lei 5/1997, do 22 de xullo, de Administración local de Galicia.

E doutra, **D. Manuel Joaquín Reigosa Roger**, Reitor Magnífico da **Universidade de Vigo**, nomeado segundo o Decreto da Comunidade Autónoma de Galicia 110/2022, do 9 de xuño, publicado no Diario Oficial de Galicia (DOG) nº 117, do 20 de xuño de 2022, de acordo coas competencias que lle outorga o artigo 50 da Lei Orgánica 2/2023, do 22 de marzo, do Sistema Universitario, e o artigo 29 dos Estatutos da Universidade de Vigo, aprobados polo Decreto 13/2019, do 24 de xaneiro, e publicados no DOG nº 38, do 22 de febreiro do 2019 con enderezo en Edificio Exeria, campus universitario, 36310 Vigo.

Ante o secretario desta Deputación Provincial de Pontevedra, D. Carlos Cuadrado Romay, que dá fe deste acto, ambas as partes recoñécense entre si a capacidade xurídica suficiente e poder bastante para obrigarse neste convenio de colaboración e, a tal efecto,

## **EXPOÑEN**

1.- Que a Deputación Provincial de Pontevedra é a entidade de goberno e administración autónoma da provincia, dentro da esfera das súas competencias, sendo os seus fins propios e específicos garantir os principios de solidariedade e equilibrio intermunicipais, asegurando a prestación integral e adecuada na totalidade do territorio provincial dos servizos básicos e o fomento e administración dos intereses da provincia, entre eles as oportunidades de acceso a una maior cualificación profesional da mocidade.

2.- Que a Universidade de Vigo, creada pola Lei 11/1989, do 20 de xullo, de ordenación do sistema universitario de Galicia, é unha institución de dereito público á que lle corresponde, no ámbito das súas competencias, o servizo público de educación superior. Está dotada de personalidade xurídica e patrimonio propio, e como organización pública que é, está ao servizo da sociedade, constituíndo unha das súas actividades a participación en programas de mobilidade nacional e internacional nos que poida participar a comunidade universitaria.

3.- Que a Universidade de Vigo, como titular da "Erasmus Charter for Higher Education" que lle faculta para participar no programa Erasmus+, leva varios anos sendo beneficiaria de axudas neste programa. Igualmente, esta universidade realiza convocatorias de bolsas propias de intercambio internacionais.

4.- Que ambas partes, coa posta en marcha das diversas convocatorias de mobilidade dentro do programa Erasmus+ e na convocatoria de bolsas propias de intercambio internacionais, queren promover a



participación do alumnado universitario coa finalidade de contribuír á formación integral do estudiantado e á súa adaptación ás esixencias do mercado laboral a escala comunitaria e extra-comunitaria.

De acordo co indicado, as partes asinantes formalizan o presente convenio de colaboración, con suxeición ás seguintes

## **CLÁUSULAS**

### **PRIMEIRA.- Obxecto do convenio**

Establecer as bases de colaboración entre a Universidade de Vigo, como entidade colaboradora, nos campus de Pontevedra e Vigo, e a Deputación Provincial de Pontevedra para ou outorgamento de 100 bolsas por importe de 1.000€ cada unha (80 bolsas Erasmus+ Estudos e 20 bolsas propias, GE4 e ISEP) e que servirán para completar as bolsas ao abeiro das distintas convocatorias existentes no programa Erasmus+, para a promoción da mobilidade de estudantes da convocatoria de Erasmus+ Estudos (que facilita a realización de estudos en diferentes universidades europeas) e para as convocatorias de prazas en países extra comunitarios (prazas propias, ISEP e GE4), de xeito que redunde en beneficio da sociedade e do interese xeral da provincia de Pontevedra e dos seus habitantes.

A distribución das bolsas antes comentadas (por un lado, 80 bolsas para Erasmus+ estudos e, por outro, 20 bolsas para Bolsas propias, ISEP e GE4) poderán ser obxecto de modificación cando non existan candidatos que cumpran os requisitos establecidos nun dos grupos, sempre que as bolsas non superen seu conxunto o número de 100 e por importe de 1.000€ cada unha.

### **SEGUNDA.- Obrigas da Deputación de Pontevedra**

Son obrigas da Deputación de Pontevedra:

Transferirle á Universidade de Vigo, para potenciar a mobilidade no cadro do programa Erasmus+, como complemento desas bolsas, e como complemento de bolsas propias de intercambio, a achega económica de 100.000 euros para o financiamento de axudas complementarias destinadas aos bolseiros/as de Erasmus+ Estudos da universidade e para os bolseiros das convocatorias de prazas en países extra comunitarios (prazas propias, ISEP e GE4) seleccionados nos centros de Pontevedra e Vigo.

### **TERCEIRA.- Obrigas do alumnado beneficiario**

Son obrigas do beneficiario:

- a) Realizar a actividade que fundamenta a concesión da subvención.
- b) Xustificar ante entidade colaboradora o cumprimento dos requisitos e condicións, así como a realización da actividade que determine a concesión e goce da subvención, nos termos establecidos nas respectivas convocatorias dos programas Erasmus+ e nas convocatorias de bolsas propias que se desenvolvan dende a Universidade de Vigo.



#### **CUARTA.- Obrigas da entidade colaboradora**

Son obrigas da entidade colaboradora:

- a) Entregarlle ao alumnado beneficiario os fondos recibidos de acordo cos criterios establecidos no presente convenio.
- b) Comprobar, no seu caso, o cumprimento das condicións ou requisitos determinantes para o seu outorgamento, así como a realización da actividade que determine a concesión da subvención.
- c) Xustificar a entrega dos fondos percibidos ante a Deputación de Pontevedra.
- d) Publicar as convocatorias para a selección de estudantes participantes nos programas de Erasmus+ Estudos, así como de solicitar a financiación europea perante o Servicio Español para la Internacionalización de la Educación (SEPIE).
- e) Publicar as convocatorias de prazas en países extra comunitarios (prazas propias, ISEP e GE4) para a selección de estudantes participantes.
- f) Asumir a organización, desenvolvemento e xustificación das actividades de mobilidade de estudantes referidas nesta cláusula.
- g) Comunicar á Deputación Provincial de Pontevedra a relación de estudantes beneficiarios, así como as contías individuais asignadas a estes ao abeiro do presente convenio de colaboración.
- h) Presentar declaración responsable de non estar incurso en ningún dos supostos de prohibición para percibir subvención.

#### **QUINTA.- Financiamento**

A financiación deste convenio, que ascende a 100.000€, farase con cargo á aplicación orzamentaria 23/240.2412.481.01 do orzamento de gastos da Deputación de Pontevedra.

#### **SEXTA.- Pagamento e xustificación**

A axuda económica que se concede á Universidade de Vigo solicitada á Deputación de Pontevedra terá un importe de 100.000€, dos que 60.000€ se pagarán na data da sinatura do convenio, unha vez xustificado o inicio da execución do programa, e os 40.000€ restantes unha vez que presenten a xustificación das 100 mobilidades.

A Universidade de Vigo deberá xustificar perante a Deputación Provincial de Pontevedra o importe individual de cada bolsa concedida especificando o programa (Erasmus+ Estudos, prazas propias, ISEP ou GE4), mediante xustificación bancaria, o nome, apelidos e DNI, titulación e campus no que está matriculado o/a beneficiario/a, a duración da estada financiada (data de chegada e partida) e o país de destino. Esta xustificación farase unha vez aboadas todas as bolsas ao estudantado seleccionado tendo como data límite o 31 de outubro de 2024.



Así mesmo, a Universidade de Vigo deberá xustificar a financiación recibida como achega complementaria ao programa Erasmus+ perante o SEPIE.

#### **SÉTIMA.- Publicidade**

As partes asinantes obríganse, coa formalización deste convenio, a facer públicos os datos relativos á achega económica outorgada por medio deste convenio.

#### **OITAVA.- Causas de resolución**

Serán causas de resolución deste convenio:

- a. O incumprimento total ou parcial das súas cláusulas.
- b. O mutuo acordo das partes.

#### **NOVENA.- Duración do convenio**

Este convenio entrará en vigor o día da súa sinatura e o seu período de vixencia rematará o 30 de novembro de 2024, sen prexuízo da posibilidade de prorrogar, de forma expresa, o dito período en virtude de causa debidamente xustificada.

#### **DÉCIMA.- Comisión de seguimento**

Para o seguimento e control do cumprimento do presente convenio constituirase unha comisión mixta integrada por dous representantes de cada unha das partes asinantes, á que lle corresponderá a interpretación do convenio e a resolución de controversias que se poidan xerar na súa execución.

#### **UNDÉCIMA.- Natureza do convenio**

Este convenio ten natureza administrativa, sendo competente para entender dos litixios que puidesen xurdir respecto da súa interpretación e execución a xurisdición contencioso-administrativa.

#### **DÉCIMA SEGUNDA.- Protección de datos**

As partes manifestan que coñecen e compren a lexislación europea en materia de Protección de Datos de Carácter Persoal, á que se someten de forma expresa, comprometéndose a dar un uso debido aos datos de tal natureza que obteñan como consecuencia do desenvolvemento do presente convenio, no marco do disposto polo Regulamento (UE) 2016/679 do Parlamento Europeo e do Consello, de 27 de abril de 2016, da Lei Orgánica 3/2018, de 5 de decembro, de Protección de Datos persoais e garantía dos dereitos dixitais e das normas de desenvolvemento que a cada parte lles resulten aplicables.

As partes comprométense a tratar os datos de carácter persoal coa finalidade exclusiva de realizar o servizo e a que os datos de carácter persoal non serán obxecto de ningún tratamento distinto aos previstos neste convenio. Así mesmo, os datos de carácter persoal non se cederán a terceiros, salvo nos casos en que exista unha obriga legal.



As persoas interesadas poderán exercer, no seu caso, os dereitos de acceso, rectificación, cancelación, oposición, limitación e portabilidade nos termos legais previstos, mediante a comunicación ao domicilio social da respectiva entidade.

A entidade colaboradora adoptará as medidas adecuadas para limitar o acceso dos seus empregados aos datos persoais durante a vixencia deste convenio. Non obstante, os datos persoais que figuran neste convenio relativos ás persoas asinantes serán e/ou poderán ser obxecto daquelas actuacións que se deriven da aplicación e cumprimento da normativa de transparencia e acceso á información pública aplicable á Universidade de Vigo e, de ser o caso, á outra parte.

Os datos de carácter persoal deberán ser destruídos ou devoltos, a criterio da Universidade de Vigo, unha vez finalizada a vixencia do convenio e no momento en que, en cumprimento das condicións pactadas ou legalmente previstas, remate a relación entre ambas partes, sen prexuízo das excepcións que a normativa e/ou as decisións xudiciais puidesen establecer con respecto ao mantemento temporal mínimo de certos datos que pola súa natureza así se requira. O mesmo destino haberá de darse a calquera soporte ou documento no que conste algún dato de carácter persoal obxecto de tratamento.

Baixo os termos referenciados e en proba de conformidade, asinan e rubrican as partes este convenio.